

Zbirka medijskih objava

VladaBrckoDistrikta_kliping_dnevno,
za razdoblje 7. 8. 2022

Broj objava: 3

Internet: 1

Televizija: 2

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 3


Brčko:

Televizija	Naslov	Služen parastos u Brčkom		
Serijski br. 1	Medij; Doseg	Radio televizija BN; , Bosna i Hercegovina	18:00	Trajanje: 2 min
	Rubrika, Datum	Danas u Srpskoj; 5. 8. 2022		
	Autor	Brajčić Tanja		
	Teme	Brčko		

Televizija	Naslov	Korona virus u BiH		
Serijski br. 2	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 1 min
	Rubrika, Datum	Dnevnik; 5. 8. 2022		
	Autor	Unknown		
	Teme	Brčko		

Internet	Naslov	Svečano otvorena džamija u Palci. Priređen jedan od najbolje organizovanih programa		
Serijski br. 3	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 7. 8. 2022		
	Autor	Unknown		
	Teme	Brčko		

Korona virus u BiH





Svečano otvorena džamija u Palnci. Priređen jedan od najbolje organizovanih programa

U džematu Palanka, Medžlis Islamske zajednice **Brčko**, 6. augusta 2022. godine, svečano je otvorena novosagrađena i rekonstruirana džamija.

Svečanosti su prisustvovali izaslanik reisu-l-uleme Remzija-ef. Pitić, muftija gorazdanski, muftija tuzlanski Vahid-ef. Fazlović, glavni imam i predsjednik MIZ **Brčko** Mustafa-ef. Gobeljić i Hajrudinu Omerović, imami te brojne džematlije iz **Brčkog** i drugih krajeva naše domovine.

Džamiju je vakufom Islamske zajednice u Bosni i Hercegovini proglasio muftija Remzija-ef. Pitić koji je u svome obraćanju govorio o miru u kojem muslimani žive a koji nije moguć bez čvrste i iskrene vjere u Dragova Boga i bez vjerovanja Dragome Bogu.

Poručio je da postoje ljudi koji nikoga ne uznemiravaju jer su unutar sebe mirni. Prirodno stanje čovjeka je mir. Nemir nastaje kada ljudi počnu da gube kontrolu nad sobom i kad šejtan počne da diriguje ljudima, kazao je muftija Pitić.

– Znamo mi koliko naš Reisu-l-ulema ovih dana trpi zbog salvi koje idu prema njemu, ali zna i naš Reisu-l-ulema da nije sam. Zna da sve što čini, čini u ime Dragoga Boga i da ga njegov Gospodar neće ostaviti. A nećemo ga ostaviti ni mi – kazao je muftija Pitić istakavši da su autoriteti prvo što se u svakom narodu pokušava uništiti. Podsjetio je na pritiske koji su vršeni i na ranije reisu-l-uleme Mehmeda Džemaludin-ef. Čauševića i Mehmeda Spahu.

– Pokornost i zavjet Bogu, zavjet Poslaniku i zavjet Reisu-l-ulemi je sastavni dio našeg muslimanskog identiteta. Vjerujem da ćemo uz naše dove i iz ove kušnje izaći jači i mirniji. Mirni s Dragim Bogom, mirni u sebi, sa svojim porodicama, ljudima u svom okruženju i sa svima onima koji žele dobro sebi i ovoj zemlji, ko god da su i odakle god da su – poručio je muftija Pitić.

Muftija tuzlanski Vahid-ef. Fazlović je istakao čvrsto opredjeljenje džemata Palanka na putu činjenja dobrih djela. Ova džamija je na poseban način pečat svih njihovih zalaganja, kazao je Muftija te je uputio čestitke džematu Palanka i Medžisu Islamske zajednice Brčko.

– Zamolio bih izaslanika poštovanog muftiju Remziju Pitića da, kada bude prenosio impresije s ovog otvorenja, našem poštovanom Reisu-l-ulemi prenese da su ovaj, i svi ostali džemati na ovom području, stabilni i da dobro funkcioniraju i djeluju, znajući kakva je naša misija. Reisu-l-ulema se može potpuno osloniti na ove naše džemate u svojoj teškoj i odgovornoj ali časnoj misiji.

Želimo mu dobro zdravlje i da sa svojom plemenitošću i širinom za sve muslimane koje predvodi kao njihov duhovni poglavar u svojoj misiji bude odlučan kao i do sada, bez obzira na to što u određenim periodima neki ljudi nisu u stanju da dobro razumiju ulogu Islamske zajednice i važnost institucije Reisu-l-uleme – kazao je muftija Fazlović. Muftija je u svome izlaganju uputio savjete vjernicima posebno istakavši značaj džamija i dosljednog izvršavanja farzova u životu svakog muslimana.

Glavni imam Medžisa IZ Brčko Mustafa-ef. Gobeljić je naglasio vrijedan rad džematskog imama i džematlija u Palanci.

– Ovo je džemat sa veoma uspješnim aktivnostima na vjerskom planu, mektepska pouka je na najvišem nivou a odvijaju se i edukativni programi za odrasle. Ovaj džemat može biti primjer u radu svima nama u MIZ Brčko i šire – kazao je glavni imam Gobeljić.

Džemat Palanka nalazi se 13 km južno od grada Brčkog. Kako je istakao imam ovog džemata Kenan-ef. Aliefendić, ovdje je prva džamija sagrađena 1876. godine. Džamija je više puta obnovljena a na istim temeljima nova je sagrađena 1991. godine. Uz džamiju se nalazi i mekteb koji je tokom Agresije na Bosnu i Hercegovinu pogođen i uništen. Džamija i svi prateći objekti sada su obnovljeni i u novom ruhu dočekuju džematlije Palanke.

Uoči svečanog otvorenja u džamiji je proučen mevlud a predavanje je održao Aljo-ef. Cikotić, imam džamije Kalibunar u Travniku.



